

Liqlaenj doiq Daegyou naeuz: “Gou caeux couh rox duz lwg ndai mwngz miz lai sim, maz saeh cungj naemj gag gwn, baezlaeng mwngz caiq boux ndeu bae guh saeh, mwngz ngoenz dai 3 baez gou hix mbouj cienq naj coh mwngz.”

Lumhlumh giz gyaeuj in, Daegyou roxnyinh “gag gwn ndaej gag daej mbouj mwn” coenz vah neix gangj ndaej deng lo, de gaenq lai baez boux dog okbae “guh saeh”, ngeix mbouj daengz baezneix “meuz geq doek ringj”, cien ienq fanh ienq couh ienq swheij mwhhaenx mbouj siujsim, caeg mbouj ndaej maz mbouj gangj, ndang in gyaeuj congh mbouj gangj, baezneix vunzmbanj bouxboux cungj rox de dwg vunz guhcaeg lo, caen dwg vunz baez boihseiz gwn raemxheu hix gaz hoz ha. Daegyou yied naemj yied hozndat.

Haicin lo, vunz mbanj bouxboux nyaengq ndaemcin, ngoenzneix dienheiq ndei, Liqlaenj、Daenggeq、Daegyou doxcaeuq bae haw youz. Gwnz hawz boux miz ngaenz naemj gwn maz couh cawx maz, angqangq riuriu, gyoengqde 3 boux cungj mbouj miz saek faen ngaenz, cijndei yawj vunz gwn、yawj vunz yungh、yawj vunz angq.

Daenggeq naeuz: “Raeuz sawq bae haep lwg hagseng iq he aeu ngaenz yawj ndaej mbouj ndaej, baenzlawz?”

Liqlaenj caeuq Daegyou cungj ngaekgyaeuj naeuz ndei.

Cingq gangj, seizneix doiqnaj couh miz dah hagseng ndaej cib bi

·cienlanz sawcuenh·

Gouq



□ Yiz Ciz

baedauq he coh gyoengqde byaij daeuj. Daegyou 3 boux humx gvaqbae, dangj roen naeuz: “Hawj di ngaenz hawj dou, mboujnex mbouj cuengq mwngz gvaqbae.”

Dah hagseng iq neix rox saehcingz mbouj ndei, naj bienq heu liux, guhmuengz daj ndaw daehvaq mbon ok mbaw 5 maenz ngaenz he ndenq hawj Daegyou, lumj lau deng guk haeb nei vaiqvid couh buet deuz lo.

Baez nduj “haigoeng” couh ndaej ngaenz, Daegyou 3 boux angq dwk cim doxcoh riu hwnjdaeu, gyoengqde fwngz gaem fwngz coh gyaeuj haw byaij bae, youq aen dan gai gijgwn he, daeg hagseng iq he cingq aeu mbaw 10 maenz ngaenz he cawx mak, Daegyou gvaqbae bengq geu buh de naeuz: “Mwngz sien gaej cawx mak, gvaqdaeu, dou miz vah caeuq mwngz gangj.”

Gwnz haw boux bae boux dauq,

Daegyou 3 boux daiq daeg hagseng iq daengz giz gungx ranz ndeu. Liqlaenj naeuz: “Miz geijlai ngaenz cungj gyau daeuj hawj dou ba, mboujnex roq mwngz ciengz ndeu.”

Daeg hagseng iq neix hix mbouj lau, de aj bak couh yaek heuh vunz, Daenggeq cung gvaqbae, goemq aen bak daeg hagseng iq hwnjdaeu, Daegyou ciengj aeu mbaw 10 maenz ngaenz haenx le naeuz: “Mwngz caen mbouj lau dai ha?” Gangj sat din sauz daeg hagseng iq neix geij baez, daeg hagseng iq neix in ndaej gutgungq ringx youq gwnz namh, gouz naeuz: “Gou mbouj gamj lo! Gou mbouj gamj lo!”

Banringzgvaq, vunz haw sanq lo, Daegyou、Liqlaenj caeuq Daenggeq 3 boux miz gangj miz riu maranz bae, ngoenzneix gyoengqde haep le 6 boux hagseng iq, sou ndaej 40 lai maenz ngaenz. Daenggeq naeuz: “Gaeuq raeuz yungh song ngoenz lo.”

Daegyou naeuz: “Ndaw daeh mbouj miz ngaenz mbouj baenz, ndaej geijlai yungh geijlai, yienghneix roengzbae raeuz seizlawz cij miz ngaenz a! Baezlaeng raeuz yaek guh couh guh ‘saeh hung’!”

Liqlaenj、Daenggeq cungj naeuz ndei.

3 boux byaij daengz gyaeuj mbanj seiz, Daegyou gyaе’ gyaе couh yawjaen daxboh de ndwn youq lajqroq, de doeksaet mbouj siuj, mbouj rox aen seizhaeuh neix daxboh de vih maz saeh dauqranz. Daegyou rox ndoj mbouj ndaej, gyaicang onj sim roengzdaeu, ciuq bingzciengz nei mbouj vaiq mbouj menh dwk coh ranz byaij bae.

Daxboh Daegyou heuh guh Daegcih, Daegyou caengz okseng de couh bae Guengjdoeng dajgoeng lo. Daxmeh Daegyou heuh guh Dahriemj, Daegyou okseng ndaej 12 ndwen de hix bae gaen bouxgvan guh hong, ce Daegyou hawj daxbuz daiq. Gvanbaz bi daengz byaij cij dauq ranz baez ndeu, cibgeij bi daeu, ndaw sim Daegyou cij miz daxbuz mbouj miz bohme.

Miz bi ndeu, Daegcih caeuq Dahriemj dauq ranz gvaqcieng, seizhaenx Daegyou 4 bi lai, gyoengqde haeuj ranz seiz, Daegyou lumj lau caeg nei cungj ndoj youq baihlaeng daxbuz, baenzlawz heuh de cungj mbouj gamj gaenh Daegcih caeuq Dahriemj. Guh bohme guh baenz yienghneix, ndaw sim Daegcih caeuq Dahriemj gwn raemx soemj imq dungx caez.

(caengz sat)

Gaenx Hag Hix Rox

勤 学 也 会

□ Hoz Cunghliuj / 何宗柳

Vunz Mbanjhung dajcaep goengfou gig nduen. Yienzlaiz cuj daihsam miz 8 vunz, Goak dang cujcanj, ndawde, 3 boux vunz gaenq miz maex, 5 boux daegmbauq dandog.

Geij bi gonq, gyoengqde lij baen daihgoeng siujgoeng, siujgoeng guh hong gyauxnaez、diuz naez、bau cien daengj, hong naek dwgrengz caemhcaiq cien hong youh lai siuj. Hoeng mbouj miz banhfap, byawz heuh gyoengqde mbouj rox hwnj gok caepcien ne.

Goak miz daegnuengx he youq rog dang ganbu, nuengxbawx heuhguh Liuzmaeq, vunz hau youh gyaeu, daeglwg de 4 bi gaenq bae Youwzyenz lo. Nuengxbawx cij dwg youq ranz cawj gwn, ndaejhoengq de ciengzseiz bae guhdoj.

Miz ngoenz he, daegmbauq he doiq Goak naeuz: “Heuh Liuzmaeq daeuj caeuq raeuz guh hong hix ndaej ha?” Goak naeuz: “Heuh daeuj lanz loh couh ndaej, doengh yah neix dinfwngz seuqsat, guh ndaej gij hong raeuz ma?” “Naengh de guh di hong, gaej bae doj, nuengx mwngz lai soeng bw.”

Byawz rox, Goak baez sawq cam, Liuzmaeq couh nyienh bae guh hong lo, aenvih de doj saw lai deng

bouxgvan de hongz lai lo.

Miz Liuzmaeq caez daeuj guh hong, hong cuj daihsam guh ndaej gig bieng, caezgya miz gangj miz riu, 5 ngoenz hong, 4 ngoenz couh guh sat lo. Caen dwg: Saimbwk doxdap, guh hong mbouj mad. Liuzmaeq mbouj luenh guh hong naek, ngamq guh songsam ngoenz, haemh baez roengz ninz couh mbouj rox doengh lo. Doeklaeng de menhmenh sibgvenq. De ngeix, boux dajcaep hong lai mbaeu caemhcaiq cien ndaej lai, gou hix aeu hag dajcaep…… Baenzneix, Liuzmaeq doq guh hong doq cazyawj saefouh baenzlawz beng sienq、dwknaez、baenzlawz ngon mae caep cien…… Yawj lai ndawsim Liuzmaeq miz daej lo.

Gvaq ndaej geij ndwen, miz ngoenz he, Liuzmaeq doiq daihgya naeuz: “Gou dang saefouh ndaej lo!” 8 boux de dingq le doeksaet caez, riu naeuz: “Mwngz rox caep? Dou dauqdingq byaij baema! Ndei, mwngz daeuj hwnj gok caep loh cien ndeu hawj dou yawjyawj.”

Liuzmaeq hwnj ndaej song gok ciengz, beng ndei mae, yaep he couh caep ndaej loh cien ndeu lo. Caezgya yawj le, da cungj daengx liux, raen gij ciengz caep ndaej youh cingq youh



Gorongz mwncumcum ingj ndaej raemxdah heuyauyau.

soh youh bingz, caeuq saefouh caep ndaej doxdoengz. Daegmbauq he geizheih dwk cam: “Mehliuz seizlawz hag rox dajcaep?” Liuzmaeq naeuz: “Gou cawx ndaej 2000 gonj cien dauq youq laeng ranz, ngoenz ndaejhoengq gou couh bae ndaw daemz aeu boengz dauq lienh dajcaep. Caep mbouj cingq mbouj soh couh cek bae, cek le youh caep, caep le youh cek…… Lienh geij ndwen cij hag ndaej yienghneix ne!” Caezgya dingq le, cungj haenh Liuzmaeq miz ceiqheiq, lij naeuz yawj yaep he mbouj beij guh baez he, guh baez he mbouj beij guh ndaej lai.

Doeklaeng, 5 daegmbauq siujgoeng haenx hix hag Liuzmaeq, baezngaenz lij heuh saefouh son di. Mbouj geij nanz, cuj daihsam bouxboux rox caepcien lo. Yienghneix couh mbouj faen daihgoeng siujgoeng lo, gyaux naez daihgya caezsim ndau, buen cien caezgya guh, caep ciengz daihgya daeb, bouxboux rox suenq gij soq boiqliuh mad ciengz.

Gyoengq vunzmbanj rox le, angq haenh gyoengqde caez okrengz, naeuz: “Gwnzbiengz fouz saeh nanz, cijaeu gaenx bae hag, cungj hag haengj ndaej rox!”